

Lukas 17:5 Kare rasul hamauh dengan Tuhan Yesus, "Tuhan, paabas kapercayan ikei."

Roma 10:17 Awi mahining barita maka kare oloh manjadi percaya, tuntang barita tau ihining, awi aton oloh je mambarita tahu Kristus.

Lukas 11:1 Hong sinde andau Yesus balakudoa hong ije eka. Limbah ie hapus balakudoa, ije bara kare muride hamauh, "Tuhan, coba ajar ikei balakudoa kilau Yohanes majar kare muride balakudoa."

1 Timoteus 2:1-4 Je mambatang, aku balaku toto-toto mangat auh palaku, sombayang tuntang lakudoan asi dengan auh tarimakasih inyampai manintu Hatalla akan oloh samandiai; 2 akan kare raja tuntang oloh handiai je mimbing kuasa. Keleh balaku uka itah tau belom damai tuntang sanang dengan Hatalla hapan ampin kalakuan itah je patut. 3 Jete je bahalap tuntang manyanang atei Hatalla, panyalamat itah. 4 le handak uka oloh handiai inyalamat tuntang mangatawan taloh je bujur.

Lukas 22:31 "Simon, Simon, hining toh! Setan jari dinon ijin uka maningkes keton; mangat mamilah je bahalap bara je papa; sama kilau gandum je bakulap bara upake.

Sakaria 3:1,2 - Yudas 1:9 Mikhael kabuat, je mangapala kare kawan malekat, dia puji mawi taloh kilau te. Katika ie hakalahi dengan setan metoh kalahi tahu eweh je kareh mandino hantun Moses, Mikhael dia bahanyi mahakim setan mahapan kare auh je papa. Mikhael baya hamauh, "Tuhan kareh malait ikau!"

Epesus 6:12 Basa itah dia kalahi malawan olon, tapi malawan kaabas roh papa je manguasa langit.

Epesus 6:10,11 Kalepahe haliae, keleh keton manjadi abas hapan kaabas je dinon keton bara kuasan Tuhan, awi keton ije dengae. 11 Keleh mahapan salepah pakakas perang je inenga Hatalla akan keton, mangat keton oilih tahan malawan kare tirok papa ain setan.

Epesus 6:13-17 Tagal te, toh keleh mahapan salepah pakakas perang bara Hatalla, mangat hong andau je papa keton oilih malawan kare musoh je manyarang. Tuntang mangat limbah keton hakalahi sampai kalepahe keton magon menteng bahanyi. 14 Keleh keton bajaga tuntang batawat. Keleh mangkepan kaketep dengan Hatalla kilau peteng kahang, tuntang kabujur atei kilau baju sanaman. 15 Keleh kahias mangabar Barita Bahalap te je mimbit kasanang manjadi sapatun keton. 16 Sining katika keleh mahapan kapercaya dengan Tuhan kilau talawang; hapan kapercaya jete keton tau mambelep kakare isin panah apui bara taloh papa. 17 Keleh manduan salamat kilau tanggoi waja, tuntang auh Hatalla kilau padang bara Roh Hatalla.

Ibrani 4:12 Auh Hatalla jete auh je belom tuntang dehen; labih banyihi bara padang je hasansila isie. Auh te manusuk timben sampai akan helat

hambaruan dengan roh; sampai akan helat kare sapan tulang tuntang ontek tulang, sampai olih mangatawan kakejau kandalem tirok tuntang kahandak atei olon.

Lukas 4:8 Yesus tombah, "Huang Surat Barasih aton tarasurat, 'Sembah Tuhan Hatallam tuntang manempo ie bewei.'

Epesus 6:18 Keleh malalus taloh handiai te sambil balakudoa mangat balaku dohop dengan Hatalla. Hong genep katika je buah, keleh balakudoa mangat Roh Hatalla mamimpin keton. Keleh keton harajur batawat tuntang ela manyarah. Keleh balakudoa harajur akan hapus ungkup Hatalla.

1 Samuel 17:45-47 - Dawid & Goliath

Lukas 10:17-20 Uju puluh murid te haluli hayak paham kahanjake. "Tuhan," koan ewen, "kare roh papa mahin mamenda auh ikei gageneb ikei marentah ewen mahapan aran Tuhan!" 18 Yesus tombah, "Aku mite setan manjato bara langit kilau kilat. 19 Keleh keton katawan! Keton jari inenga kuasa mangat keton tau mahunje handipe tuntang kala hayak mampakalah kare kuasan musoh, tuntang ije mahin jaton taloh je tau mancalaka keton. 20 Tapi aloh kalote ela keton hanjak awi kare roh jari mamenda keton. Labih bahalap keton hanjak awi aran keton jari inyurat hong sorga."

2 Korintus 10:3-5 Ikei puna magon belom huang kalunen, tapi ikei bagawi dia akan kepentingan kalunen. 4 Kare sanjata je ihapan ikei huang gawin kalahi toh dia ie sanjata ain kalunen toh, tapi kare sanjata ain Hatalla je bara kuasa. Hapan sanjata te ikei mampahancur kare kubu; ikei manangkis kare perdebatan oloh 5 tuntang mampalongkang kare kota kasombong je imangun hapan malawan pangatawan tahuu Hatalla. Ikei manawan kare tirok oloh tuntang mawi ewen marup mamenda Kristus.

2 Timoteus 1:7 Basa Roh je inenga Hatalla akan itah, dia ie Roh je mampikeh itah. Tapi Roh Hatalla te manjadian itah mangat abas, kontep asi tuntang olih manyarenan arep.

Mateus 12:28,29 Tapi aku maharak setan hapan kuasan Roh Hatalla. Tuntang jete rimae Hatalla jari nampara marentah marak keton. 29 Kilen ampie oloh olih tame akan huang human ije biti oloh gancang uka marampas ramoe, amon dia ie labih helo manjarat oloh gancang te? Limbah te harue ie olih marampas ramoe.

Epesus 1:13 Keton mahin jari manjadi ungkup ain Hatalla katika keton mahining peteh Hatalla, iete Barita Bahalap je mimbit salamat akan keton. Keton percaya dengan Yesus Kristus, tagal te Hatalla manenga tanda akan keton manjadi oloh ayue, iete Roh je injanjie.

Gawin Rasul 19:6 Tuntang katika Paulus mina lengee intu hunjun ewen, Roh Hatalla manuasa ewen, palus ewen nampara hakotak hong kare basa je aneh hayak manyampai barita bara Hatalla.

Markus 16:15-18 Palus Yesus hamauh dengan ewen, "Lius keton akan hapus

kalunen tuntang ngabar Barita Bahalap ain Hatalla te akan salepah olah kalunen. 16 Oloh je dia percaya kareh buah hukum. Tapi olah je percaya tuntang impandoi, kareh inyalamat. 17 Kilau tanda tagal kapercayan ewen, maka ewen te kareh maharak setan huang arangku; ewen kareh hakotak hapan kare basa je dia ewen kasenee. 18 Amon ewen mimbing handipe atawa mihop pulih, ewen dia baka buah calaka. Amon ewen mingkes lengee intu hunjun olah haban, kare olah te kareh manjadi keleh."

1 Yohanes 1:9 Tapi amon itah mangaku kare dosan itah intu Hatalla, ie kareh malalus janjie tuntang mawi taloh je bujur. ie kareh mampun kare dosan itah tuntang mamparasih itah bara kare gawin itah je sala.

Mazmur 109:17 - Yakobus 3:10 Bara nyame jete kea auh tarimakasih tuntang kea kare auh sapa. Sapunae dia tau kalote!

Hakim 16:16 - 2 Petrus 2:7,8 Tapi Lot inyalamat, awi ie manumon kahandak Hatalla; ie buah kapehe paham ganan hadat dasar je dia sanonoh ain kare olah papa. 8 Hong marak kare olah je kilau te Lot je olah bahalap te belom manyarenan kapehen atei, basa genep andau ie mite tuntang mahining kare gawin ewen je papa.

Epesus 4:26 Amon keton balait, ela manaluae sampai kalait te mawi keton badosa. Ela balait hapus andau,

Roma 14:12 Jadi genep bitin itah musti mananggong kajarian kare gawin itah akan Hatalla.

**1 Johanes 2:23 Oloh je dia mangaku Anak, rimae dia mangaku Bapa kea.
Tuntang olah je mangaku Anak, rimae manarima Bapa kea.**

Johanes 14:6 Yesus tombah, "Aku toh jalan hapan mangasene Hatalla tuntang mandino pambelom. Ije biti mahin jaton olah tau dumah manalih Bapa, amon dia mahalau aku.

Mateus 11:28-30 Keleh dumah talih aku keton samandiae je heka, tuntang je mangkeme katanggongan; aku handak mampangat keton. 29 Keleh manumon auh parentahku tuntang keleh bajar dengangku. Basa aku toh balemo tuntang randah atei, maka keton kareh mangkeme kamangat. 30 Karana kare parentahku mampangat, tuntang tanggongan je inengaku akan keton te mahian."

2 Korintus 6:2 Huang Surat Barasih Hatalla hamauh, "Hong katika je buah, aku jari mahining ikau, tuntang hong andau salamat, aku jari mandohop ikau." Ingat bua-buah! Wayah jetoh ie katika je buah te. Katika jetoh ie andaue uka itah inyalamat.

Roma 10:13 Huang Surat Barasih tarasurat, "Oloh handiae je mantehau Tuhan, kareh salamat."

Exodus 20:5 - sin cursed to 3 & 4 generations